

**BOSNA I HERCEGOVINA  
UPRAVA ZA INDIREKTNO OPOREZIVANJE  
BANJA LUKA**

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-8-2/21

Banja Luka, 11.02.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Privredne / Gospodarske komore Federacije BiH, Branislava Đurđeva 10, 71000 Sarajevo, za pristup informacijama, Odjeljenje za komunikacije i međunarodnu saradnju, d o n o s i

**RJEŠENJE**

Odobrava se Privrednoj / Gospodarskoj komori Federacije BiH, Branislava Đurđeva 10, Sarajevo, pristup informacijama o uvezenim novim, polovnim i električnim automobilima za period 2010.-2020. sa podacima o količini, vrijednosti i naplaćenim dažbinama.

**Obrazloženje**

Privredna / Gospodarska komora Federacije BiH, Branislava Đurđeva 10, Sarajevo podnijela je dana 21.01.2021. Upravi za indirektno oporezivanje BiH zahtjev za pristup informacijama o uvezenim novim, polovnim i električnim automobilima za period 2010.-2020. sa podacima o količini, vrijednosti i naplaćenim dažbinama.

S tim u vezi, a kako bismo mogli postupiti po predmetnom zahtjevu, aktom broj: 01/3-50-4-UP/I-8-1/21 od 26.01.2021. godine obratili smo se nadležnoj organizacionoj jedinici, odnosno Sektoru za carine.

Postupajući po navedenom aktu, Sektor za carine je aktom broj: 03/3-50-4-70-17-1/21 od 10.02.2021. godine dostavio podatke shodno evidencijama koje se vode u istom. Shodno navedenom, izvršena je pretraga u carinskom elektronskom podsistemu ASYCUDA World za tarifne oznake od 8703 21 00 do 8703 60 90. Nova vozila svrstana su u slijedeće tarifne stavove: 8703 21 10 00, 8703 22 10 00, 8703 24 10 00, 8703 31 10 00, 8703 33 10 00, 8703 40 10 00 i 8703 60 10 10. Električna vozila svrstana su u tarifne oznake od 8703 70 00 do 8703 03 90 00, s tim da su nova električna vozila svrstana u tarifni stav 8703 03 80 10 00, dok su vozila u ostalim stavovima rabljena električna vozila.

U postupku obrade zahtjeva utvrđeno je da podnosilac zahtjeva traži podatke koje u svom posjedu ima Uprava za indirektno oporezivanje BiH, a koji ne predstavljaju zaštićene informacije.

Slijedom navedenih činjenica, odlučeno je kao u dispozitivu rješenja.

*Pravna pouka:* Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Prilog: tabela (7 stranica)

Dostaviti:

1. Privredna komora Federacije BiH, Branislava Đurđeva 10, 71000 Sarajevo
2. Odjeljenju 01/3 2x
3. a/a

**NAČELNIK ODJELJENJA**

**RATKO KOVAČEVIĆ**

